

0.0.1 sajjhaparibbājakasuttaṃ

1. evaṃ me suttaṃ, ekaṃ samayaṃ bhagavā rājagahe viharati giḃhakūṭe pabbate. atha kho sajjho paribbājako yena bhagavā tenupasaṅkami, upasaṅkamitvā bhagavatā saddhiṃ sammodi, sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho sajjho paribbājako bhagavantaṃ etadavoca:

2. ekamidaṃ bhante, samayaṃ bhagavā idheva rājagahe viharati giribbaje, tatra me bhante, bhagavato sammukhā suttaṃ sammukhā paṭiggahītaṃ "yo so sajjha, bhikkhu arahaṃ khīṇāsavo vusitavā katakaraṇīyo ohitabhāro anuppattasadattho parikkhīṇabhavasaññojano sammadañña vimutto, abhabbo so pañcaṭṭhānāni ajjhācaritaṃ.

3. abhabbo khīṇāsavo bhikkhu sañcicca pāṇaṃ jīvitaṃ voropetaṃ, abhabbo khīṇāsavo bhikkhu adinnaṃ theyyasaṅkhātaṃ ādātaṃ, abhabbo khīṇāsavo bhikkhu methunaṃ dhammaṃ paṭisevitaṃ, abhabbo khīṇāsavo bhikkhu sampajānamusā bhāsitaṃ, abhabbo khīṇāsavo bhikkhu sannidhikārake kāme paṭisevitaṃ, seyyathāpi pubbe agārikabhūto'ti. kacci metaṃ bhante, bhagavato sussuttaṃ suggahītaṃ sumanasikataṃ sūpadhāritanti.

4. taggha tetam¹ sajjha, sussutam suggahitam sumanasikataṃ supadhāritam. pubbecāhaṃ sajjha, etarahi ca evaṃ vadāmi. "yo so bhikkhu araham khīṇāsavo vusitavā katakaraṇīyo ohitabhāro anuppattasadattho parikkhīṇabhavasaññojano sammadaññāvimutto. abhabbo so navaṭṭhānāni ajjhācaritum: abhabbo khīṇāsavo bhikkhu sañcicca paṇaṃ jīvitā voropetum, abhabbo khīṇāsavo bhikkhu adinnaṃ theyyasaṅkhātāṃ ādātum, abhabbo khīṇāsavo bhikkhu methunaṃ dhammaṃ paṭisevitum, abhabbo khīṇāsavo bhikkhu sampajānamusā bhāsītum, abhabbo khīṇāsavo bhikkhu sannidhikārake kāme paribhuñjitum, seyyathāpi pubbe agārikabhūto.

5. dhammaṃ abhabbo khīṇāsavo bhikkhu chandāgatiṃ gantum abhabbo khīṇāsavo bhikkhu dosāgatiṃ gantum, abhabbo khīṇāsavo bhikkhu mohāgatiṃ gantum, abhabbo khīṇāsavo bhikkhu bhayāgatiṃ gantum. pubbecāhaṃ sajjha, etarahi ca evaṃ vadāmi. "yo kho bhikkhu araham khīṇāsavo vusitavā katakaraṇīyo ohitabhāro anuppattasadattho parikkhīṇabhavasaññojano sammadaññā vimutto, abhabbo so imāni navaṭṭhānāni ajjhācaritu" nti.

¹te etaṃ machasaṃ.
pts page 372